山庫全幸

史部

欽定四庫全書楊文忠三録卷二

史部

詳校官侍講學士臣法式善 编 修臣表 華覆勘

總校官降調編修臣倉聖 脉 校對官編修臣具錫麒 腾錄監生 巨敖東常

4 P. J. T. 10. 欽定四庫全書 楊文忠三録 提要 編名為三録實則題奏前録一卷題奏後録 殿大學士文忠其諡也事迹具明史本傅是 臣等謹案楊文忠三録八卷明楊廷和撰廷 和字介夫新都人成化戊戌進士官至華益 卷視草餘録二卷解謝録四卷凡四種題 楊文忠三録 史部六 詔令奏議類二屬職之

金りにんとう 喬宇為之序又有自序謂官內閣時凡朝廷 奏前録正徳時所上題奏後録嘉靖時所上 靖三年正月去位也其中有足與史参考者 如武宗本紀十三年正月丙午至自宣府命 靖六年而所記止於嘉靖二年則廷和以嘉 奏對之詞政事可否之議隨事録之序題嘉 傳輸五府及團營三大營各為旗帳奉迎廷 羣臣具終帳羊酒郊迎御帳受賀此書載上

欽定四庫全書 催取廷和卒擬音獎勵馮清而不及威武大 送兵部侍郎馮清奏捷本至內閣欲擬古獎 將軍一字又載慈壽遣散本官傳諭欲改懿 **勵威武大将軍廷和執不可張龍錢寧相繼** 末又此書載正徳十四年正月七日散本官 終不從駕回竟不用旗帳上意亦無所件據 此則本紀書其始未詳其卒此書乃具其首 和不從錢寧及廖鵬張龍屢傳古要得廷和 **提娶** 楊文忠三録

崩世宗堅欲持喪三年且擬領遺語廷和力 帙多於三錄而不在三錄之數以一人之事 争乃僅服二十七日于宫中遂止遺譜之命 肯為聖旨廷和力爭至再方寢又載壽安后 戮江彬及議與獻廟曲折始末亦較史為詳 凡此數事本紀及廷和本傳俱不載又欲擒 辭謝録皆解職謝恩諸疏林俊為之序其卷 非國政也其奏疏有過于樸率之病然告君

欽定四庫全書 重郊廟疏請還官疏嘉靖中請停齊醮疏皆 者異矣乾隆四十六年十月恭校上 中理言雖質直而義資啓沃固與春華自炫 指陳時與在當日可謂讀言其他亦多切直 以達意為主不以修詞為工如正德中請慎 楊文忠三銀 總察官紀的陸勢於孫士毅 總 官臣 陸 貲

·					
		, 			
			:	:	
	r ·				


致定四車全書 黨回答天譴遵祖訓戒遊逸數疏皆格君心正國體之 其魄震聰方悟而公以憂去矣向使公在位國家弊端 大者他如謹名號節權俸之類有以備奸回之氣而號 功天下之人盖陰受其賜而有不能盡知者也今觀奏 為社稷利者竭盡心力為之無顧思卒成中與弘濟之 外釁而以一身任天下之重佐理匡赦啓沃扶胡凡可 少師石齊先生楊公自正德問以首相值時多虞內盡 楊文忠三録序 楊文也三録

守之議者悉中機會凡郊享諸大政令連章法上務請 多幾杖下孰敢有犯雷霆之怒者子公陳說大義執奏 以至尊稱将領促公定草且動以危言于是廷臣諫者 弄之勢已年不可破此将方果處復南征內降數下欲 回靈而後已夫輔相之職将順者易匡行者難公處不 愈属竟不從既而翠華久駐南都公見諸播告之詞居 之開當不知是又三年武皇四石公還則檢入雞問竊 可為之時能為入所不敢為之事雖古名臣之風采何

臨大節而不可奪若公者真所謂社稷之臣矣字辱公知 之志人可得而測其涯沒哉書曰乃心罔不在王室傳曰 當此可不謂之難且急邪今聖皇繼統公親扶日數而 方無虚持盈偏偏馬以威滿為懼是其體國之忠憂世 乃知天所以留公者正以為今日用也然公有此不續 釐革 誅罰之典又經畫精明世一變而為安厥功尤偉 以加馬未幾武皇升遐偉奸汹汹正國勢危疑之際公 刻問決定大策戡剿亂逆實以身蹈不測之禍事勢

沙巴四年 全售

楊文忠三縣



時六龍出将震居虚拱且嚴餘二寧謀益人勢將傾行 以雷霆臨之不力執則事日非而國體益褻一難也干 雖未得盡如所請而先帝每優客之一無所忤軍恭物 諸臣號為頗久初從文正李公後因以寡過及文正去 任事多與點凡關切利害之大者知之必言言之必盡 為録之志愧也廷和承乏內閣前後十有八年視近歲 楊文忠三錄序 視草餘録者録在朝奏對之言及政事可否之議也何

敏定四事全書 麻……麻…… 寧守徑徑不從永嘉之議又熟不亮公有信心之徵而 炭之隔四難也公周旋其問停咸武物不草竟見信任 皇帝入御遭逢何奇此議大禮則以魚水之投而為水 有定领之功然後手扶日月啟四十六年不承之烈又 居守維鼎擒瑾治彬押虎逐狼外寧內安入孰不服公 行事迫四家環布毫髮失宜難粉立至三難也既而肅 則有威與之虞居則有固圉之責二難也靈與既回大 孰不歸公有定策之忠比其力解伯封恥為獨工之請

言必信在朝廷可以表納諫之美在臣不可以見敬事 靖六年丁亥秋八月丙午石齊楊廷和序 之義藏之箧寄姑以示我後人不必其傳之久遠也嘉

TAXON MARKET	menter of littlest		· •		
					金穴四名
					<u></u>

隆慶庚午余為臺史而內江趙文肅以閱學無領臺事 楊文忠三録序 とこの日かかり 非苟也萬歷已亥余為工相與惟一二同志之賢是賴 日繼得公所撰文忠墓祠碑讀之信公知文忠而言之 肘腕大姦弄之掌上頻安宗社儻籍籌邊何皇皇如此 屬邊報急京師戒嚴公語余口新都楊文忠當武皇時 承德意坯土細流無補海散亦惟同志之助勉强從事 今上入繼大統推誠委任化理維新時有獻納不過仰 序

ないとでんという 委應接不暇倉卒紀録未必無所遺忘奈何軟語之日 涉公却之美刺令兹所録母親承天語及閣中日常議 述也若昔人歸田之錄問取士大夫之笑談天順日録或 政恐久而或遺乃後志於此縱不能悉猶愈於通無所 軍見之請曰告人有所者述多在聞居之日令政務叢 器識最下縣策不前所為報劾者止於如此上負聖明 以至乞休而歸居常自念平生遭際最勝在任最久而 下負所學多矣視草之餘隨事錄之用以志愧一日光

人にしつらりしなれる 止織造停雨掛印率勉從疏留決旬或月餘未有竟不 言之者初公制歸有台守趣終制即起異數也諫齊祀 肅皇帝知公人人能言之毅皇帝知公信任公未有能 皇帝遺命而及然庸皇帝知公不忘公之心一也惟是 名皆不失為忠雖永嘉盖棺即九公則家莊皇帝以南 擬關係職業者此外一無所附事有介時則永嘉進而 公退永嘉之難難在遠衆公之難難在嬰鱗而卒之易 下者中使指公或羅既有罪逐繁不少假竟安國家於

輔弼而崇重之竟延國家有道靈長之慶如此亦可為 上仰都察院掌院事左都御史關西温純序 萬世當守獻萬歷葵卯上元日侍經疑資德大夫正治 楊文忠公三録為輔弼龜鑑而因追領我朝列聖慎商 磐石非教皇帝知公信任公寧至此公鄉人左司馬趙 公合刻公視草題養辭謝三録於楚以序屬余余題曰

Cal Dun Latur 修省後申勒所司直 楊文忠三録 陳時政即古昔聖帝明王遇 恩宫被災既下令羣臣同 小職も賜罷黙以答え 天譴疏 楊廷和 娯

困苦帑藏空虚人多怨洛天木悔禍兹乃復有此變宗 乎景福茂膺休徴協應夫何近歲以來災異遞見水旱 而懼之心也切惟災變之來感召有自皇上嗣登大寶 頻仍盜賊縱橫兵戈不息強敵侵擾邊境未寧五星失 廟震驚臣民悚懼聖明在上何以致之感召之由實在 度千里飛蝗陨霜雨雹之非時地震天鳴之相繼軍民 臣等益臣等德簿位高力小任重陛下有上智之资而 年於兹寬仁爱人任用賢俊刑政無失惠澤覃數宜

多グロをノニー

次定日東文書: 聽伏望俯從寬貸特賜罷歸别選賢能以充委任庶賛 備其人而漢庭策免亦有故事賴敢披恐悃誠冒干 之視聽先事既無開陳之益臨事又無匡收之功療曠 之才議論不足以禪萬幾之裁決誠意不足以動九重 臣等無格心之學陛下有大有為之志而臣等無濟時 化得人而變可弭矣然消復之道惟賴於聖明而轉移 物議院難尚容後世之公評豈能終掩况周官燮理不 有年憂慙無地若復依違不去將恐過各愈深一時之 機文忠三録

之機正在於今日尤望陛下念皇天付託之重祖宗創 言路通達下情還光調邊兵以謹外防革禁中市肆以 造之艱天下生民仰戴之切早朝宴罷以延接羣臣深 肅內令出西僧於外以絕異端罷皇店之設以通商贾 養火主於誠經筵勤日講之御殿庭復面奏之規大開 居簡出以頤養聖體九廟之烝嘗父親其事兩宮之孝 正直忠良之士親信老成持重之人夙夜孜孜圖惟 一應工作以惜民力滅免各處織造以節民財任

改動皇店嚴加禁約下人工作織造著該衙門條陳緩 盗堂之而革心四裔 聞之而向化宗社萬萬年無疆之 Call to later 急來看方殷事冗宜盡心輔導以舒朕之不逮用保康 知九廟兩宮惟日是謹早朝深居朕自處置經筵等項 聖古上天示警朕心弗寧寢食遑追仰等致意朕已悉 治理將見人心悦服天意咸字和氣薰蒸政教旁達羣 慶也臣等無任激切懸祈之至正徳九年正月十九日)有成規邊兵只照前肯市肆常理西僧舊制俱不必 楊文忠三録

平康之時不敢怠惰此所以畏天人而國家所由與益 我朝列聖尤致謹於斯伏覩皇明祖訓所載有曰朕以 具官臣楊廷和等謹題為遵祖訓以光聖德事臣等聞 乾清宮為正寝晚朝畢而入清晨星存而出除有疾外 久謹 視朝之節以觀示臣民嚴官衛之防以消彌禍雙 寧以寬朕懷所辭不允該衙門知道 多方正屋人 禮莫重於視朝禁莫嚴於官衛自古帝王之治天 請遵祖訓以光聖德疏

其初益因一時起居違和而然積習既久遂以為常傳 言宮衛之當謹也此皆憂深思遠制治保邦之言聖子 刻不敢怠慢雖親如骨內朝夕相見循當警備於心益 言視朝之當謹也又曰凡帝王居安常懷警備日夜時 惶惑去歲以來揀選人馬親自校閱其事益因一時敵 授政令之施動遵祖訓近年以來朝會慶賀或至遲暮 神孫所當時時誦讀守為家法者也恭惟皇上聰明天 外朝將謂縱耳目之玩極心志之樂觀聽之間不無

八八可臣 八十二

楊文忠三録

等職居輔導出入禁圍雖隨事納規時有陳請縁議 多けでたといって 成以為腹心軍士操練必於演武之所朝夕督勵什之 享獻之誠以昭格九廟仍選用方直以為侍從信任老 **快無地伏望皇上鑒皇祖之訓典察臣等之愚忠自今** 不足以發明事體誠意不足以写契聖心尸素有年 非宿衛之人禁禦非操練之所疑似之間未免驚駭臣 以後夙與視朝躬親祀事乘清明之氣以裁决萬機竭 犯順而然意在禦侮實非有他傳之天下皆謂邊兵 巷

悦豫神人 七日 此矣臣等下情無任激切祈望之至正徳十年正月 聖體關防既謹亦可盡釋於羣疑將見聖徳日新天心 将領之官推恩左右體悉勤勞改處以時庶不有勞於 1/1/17:71 /... 《官臣楊廷和等謹題為宣布捷音并候旨決囚事近 兩廣四川奏到捷音例該宣捷因聖駕在邊未及舉 請宣布捷音并候告決囚疏 八香慶和氣致祥宗社萬萬年無疆之休端在 易文忠三録

處决其家人或有擊鼓訢冤等項皆當臨時奏請取自 皇上神謀妙第以致大有成功臣等下情不勝慶幸然 多文正是全 三覆奏既下各項該決重囚本日即當押赴市曹依律 非早賜回鑾臨朝宣捷則天下臣民何由知皇上逐出 行今大同又奏到捷音內開分布将士隨機應變皆出 巡邊有此除冠安民之功哉况决囚日期已近若該科 鑒宣捷示眾既以彰天威於天下而亦不廢每歲處決 一裁非比别項事情可以預先裁定伏望皇上早賜回

וייין מיייני אייים 慎重人命不輕殺戮之意但臣等竊謂聖駕既遠臨邊 送各該原問衙門照舊監禁此固皇上用刑警眾而又 傳諭聖意欲將今年該次重囚曾經刑科三覆奏者俱 具官臣楊廷和等謹題為處决重囚事近該司禮監官 重囚之舊典臣等不勝怨切祈望之至正徳十二年十 押赴市曹示将處决以警內惡之徒隨即傳旨取回仍 月某日 請處决重囚疏 楊文忠三録

之間便從何處得奉旨意如此之速不知将何辭以解 處决隨即取回則人心孰不驚疑以為是何衙門項刻 出行下所司令乃不出半日之内概將該決重囚方欲 境凡齎去一應題奏事理往返動經旬日然後得古机 金グにだ 制累朝遵行孰敢輕變所以臣等前日擬票欲將各項 候古裁决或殺或留皆在臨時有難預處此係祖宗舊 校尉手上批字走赴市曹暫免行刑具本連鼓狀封進 况重囚臨刑其親屬有擊鼓訴冤者直鼓給事中

1:1

沙 足四事全書 心不至驚疑而於祖宗立法之意朝廷欽恤之仁亦雨 |覆具奏依律處决伏望仍依原票批出庶事體允當 祀天之禮乃祖宗舊制國家大事至嚴至重非他禮儀 天地俱先期十二月初 具官臣楊廷和等謹題為大祀看姓事照得每歲大祀 全矣伏惟聖明鑒納正徳十二年十一月二十三日 該决重囚俱且監著留侍明年秋後審録畢日照舊三 請大祀看姓疏 7 楊文忠三録 一日聖駕躬詣犧牲所看牲此

伏望聖明念一身 為天地宗 廟社稷之主而郊祀看 勤勞意外之虞又有不可不防者此尤臣等之所大應 臣工選望天顏無由婚拜恨恨然如人子之遠違父母 而身無所依也朝夕食寝豈能自安况邊塞苦寒聖體 心孚祐福祉無疆端係於此近日有古閏十二月初 此累朝遵行惟謹皇上臨御以來亦己十二舉矣 性較之往成已運一月即今日期将近未想回 心曷勝懸望且聖駕在外已踰三月臣等內外

· 文定四事全書 -上出巡邊境數月未迴中外人心日夕憂懼臣等備員 民之至願也臣等無任忠爱拳拳之至正徳十二年 具官臣楊廷和等謹奏為自劾不職乞賜罷歸田里事 顺匡牧以共成天下之務非徒取其充位而已兹者皇 臣等竊惟朝廷設置公卿輔弼之臣望其陳力効忠將 姓大禮不可一毫少忽亟降明古振旅還京實天下臣 二月某日 自劾不職乞賜罷歸田里疏 楊文忠三年

幾或有轉移感動之機而臣等雖退猶進雖死猶生也 內閣職專輔導平日既無格心之學臨事又非濟時之 矣伏望皇上俯察愚誠魯施乾斷虽將臣等即日罷歸 臣等無任迫切殞越供命之至正德十二年其月甚 田里以為人臣不能盡忠之戒别選賢能代居重任庶 意料之所不及則臣等雖贬寬誅極亦不足以贖其罪 回天聽以慰天下臣民之望誠恐一旦禍患之來出於 才竊位素餐涓埃莫報雖當累疏奏請迎鑾又不能少

具官臣楊廷和等謹題為速請迎蠻看姓以成大禮事 閏十二月初一日起照舊差官輪流看姓不誤大祀天 E 蕭敬等知道即今尚有邊報未寧目下不得便行所有 特差太監張永魏彬張忠趙林裔帖傳與司禮監太監 今日早該司禮監太監蕭敬等於左順門傳奉聖旨今 爾各衙門大小官員各要安心辨事該衙門知道欽 請迴鑾看姓疏 易之忠三ほ

郊祀是以我祖宗列聖百五十餘年來每遇郊祀必於 بالر 多定四年全書 将無異於祖宗列聖之時矣今駐蹕關外人未迎鑒顏 果能上體祖宗列聖之心以事天則天之眷我皇上亦 謂邊報未寧便欲差官先行輪看臣等愚昧心竊未安 臣等竊為人君之道莫大於敬天敬天之禮莫大於 月躬往看姓歲之首月十日行禮所以天心克享 報縱有未寧自有各該鎮巡等官分任其賣皇 久安仰惟皇上為天之子受祖宗列聖之天下 巷

意悦宗社萬萬年無疆之慶端在是矣臣等不勝怨切 係國安危利害不小伏望皇上俯從臣等所言收回新 俟命之至正徳十二年十二月某日 處宗藩有疑於此而具奏問故則將何説以應之此事 但當專其委任明信賞罰則邊境自爾無虞豈可以是 即日迴鑾躬往南郊看牲以成大禮則人心安而天 詞遂钦廢此百五十 餘年盛典萬一天下臣民及各 ī ? : 請迎鑾看姓第二疏 陽文忠三录

聞迎鑒有期不誤看性下情不勝欣慶近日禮部又節 具官臣楊廷和等謹題為請駕看姓事臣等數日前恭 之慶也謹題請肯正徳十二年十二月二十七日 次往看庶得不廢舊制克成大禮實宗社萬萬年無疆 祀大禮祖宗舊制速賜回鑾躬往看牲畢然後羣臣以 奉聖古閏十二月初一 祀天地臣等愚昧心切不安未敢奉命是以不避斧 恭請居庸關下北望務首妹死上請伏望皇上念郊 日起照舊差官輪流看姓不誤

多定四点 全書

卷一

欽定四軍全書 到財 亦往往有之即今各該地方報到 城情始無虚 通而京城之内東直門及大時雍等坊强賊白日殺 數多往來公差內外官員人等悉被其害道路為之不 號刘掠村店燒燉房屋殺擄人口搶奪財物敵殺官軍 四五十人多則百十餘人被帶盈甲兵器擺列馬隊旗 等縣盧溝橋及清河店等處四面俱有盜賊生發少則 具官臣楊廷和等謹题為緊急賊情事近日武清東安 論緊急賊情疏 楊文忠三録 E]

該部奏請調度軍馬支給錢糧未奉明古難以擅便施 梁不逞之徒不待劉捕而自然 潜消退伏矣况令郊祀 境京城居守無人投間抵除肆無忌憚若不及早撲滅 不能即生以至於此實亦數月以來窺知聖駕遠行邊 京庶幾諸司章奏易於上達九重裁斷便於奉行彼强 恐致日漸滋蔓不但如近年劉六楊虎之禍而已誠 行不無有誤事機臣等寫思前項盜賊固由熊寒窮延 可不慮也伏望皇上以宗社為憂以生靈為念及早還

東定四車全書 不勝恐懼激切之至正徳十二年閏十二月 某 人事照得歲暮孟春時享太廟及正月元旦節臨朝受 具官臣楊廷和等謹題為慎重郊廟元旦大禮以慰神 望聖明獨運乾剛深惟至計俯垂聽納天下幸甚臣等 也此實治亂安危之幾臣等故敢昧死為陛下言之伏 四方之觀聴繁天下之人心者尤在於此誠不可不慎 天地時享太廟正旦朝賀各項大禮相繼在過所以替 請慎重郊廟元旦等項大禮以慰神人疏 ---楊文忠三録 E

莫獻以得有所依歸祖宗之祀天地皆極其精誠未當 **靈與出關已經五月祖宗神靈亦切望聖駕早回躬行** 賀皆係朝廷大禮而大祀天地其事尤重自古至今性 祥於天下而祖宗在天之靈惟聖子神孫是憑是依自 天子而祀天地則必不能上享天心以親天之錫福降 天子得以祀天地益人君為天之子實天地之主也非 元旦乃一歲之首履端之慶錫自朝廷四方萬國皆欲 有怠慢其說載於祖訓中所列嚴祭祀條者甚詳又

甚近伏望皇上速賜回察恪遵祖訓躬行大禮使天人 疆之慶也臣等不勝懸切仰望之至正德十二年閏一 上下皆有所主祖宗神靈皆有所依實宗社萬萬年無 具官臣楊廷和謹題為請駕還京事伏惟聖駕在外 二月二十二日 其瞻仰祝頌之誠今去郊天享廟及元旦臨朝之期 月臣等犬馬之情依依戀慕以日為年近又風聞 請駕還京疏 りたい三湯

飲定匹庫全書 無 道也見今三衛人等朝貢以時邊境安靖無可征之罪 病無病而服樂非養生之術也無事而好兵非治安之 易人情惶惶莫知所措臣等竊念兵以治亂如藥以治 親統六師将出喜峰口外使人招引三衛人等近邊交 兵端遠臨邊境如無病之人武大毒之樂又率易自用 不付之良醫之手況炎天酷暑非出兵之時深山茂林 可乗之累陛下不知聽何人之言用何人之策輕於 行兵之路萬一變生不測不知誰任其罪此在凡

重頤養聖體以兵政委之兵部以邊備責之邊臣坐收 具官臣楊廷和謹題為恭請聖傷還京以安宗社以慰 之慶也臣不勝激切祈望之至謹題請旨正徳十三年 不戰之功永建無疆之業實宗廟社稷之福天下臣民 坐視不言萬死莫贖伏望俯賜鑒納早迴靈與深居九 稍知自爱者尚不肯為而謂陛下為之乎臣職在輔導 四月某 請聖駕還京以安宗社以慰人心疏 H 易しい三昧 歬

言亦不入不知聖明之見何以出此見今邦畿遠近盗 命皆因不容已之勢乃有不得已之行今陛下當無事 語甚至扶老攜切逃避山谷此風一傳關係甚大臣愚 山西陕西河南山東南北直隸之説愚民無知轉相告 懼又有訛言傳播總督軍務威武大將軍名號及巡幸 竊念自古人君乗與遠幸或以邊境侵擾或以臣下逆 心事伏惟聖駕出幸今已一 時為有事之舉雖有內外左右忠良之臣諫亦不聞 月矣内外人心慄慄

銀兵匹尼全書

與鱼下明語將前日訛言所傳一切禁約改正自今以 威公行江淮南北大水為患各處災異奏報不絕士馬 職業示以寬大之思消其疑畏之念陛下深居宸極 鎮照舊操守原留隨侍將官亦宜因能授任使之各守 者坐以許傅聖旨重典其原日調来邊兵俱各放回本 後有仍以總督威武大將軍名號見於文移行下官府 在邊方而在腹裏不在四裔而在百姓也伏望早回靈 疲勞財用匮乏天變於上人怨於下誠恐朝廷之憂不 しの、忠三昧 İ 顄

金好四户全章 敢冒死言之伏望聖明俯賜採納不勝幸甚正德十 目擊耳聞痛切心肺義不容於不言情不忍於不言故 養天和以奉慈聞之惟以俟前星之耀則事體自定人 年十月 加屢疏乞休未業俞名用卧床褥與死為隣前項事情 心自安宗社萬萬年無疆之福也臣受恩深厚哀病 該司禮監發下整理兵馬糧草等項侍郎馮清奏到捷 止侍郎馮清奏捷疏 某 EJ 卷 H

賣但馮清本內俱開有欽差總督軍務威武大将軍總 此 必 兵官鎮國公朱字様恐於事體有礙無以傳示天下垂 寧夏延綏各邊及前州等處地方斬獲賊級數多聖武 布昭敵人遠遁禮宜宣捷慶賀隨征将士亦宜論功 音二本臣等仰惟皇上親統六師指授将士在於陝西 提底事體當而人心安矣所有前項題本謹隨揭 後世臣等未敢輕易擬古伏望皇上將前項題本不 批出仍令馮清另行具奏止是明言仰遵成第致有 ī 勝文む三昧

夜出 等處遊幸夜或不歸甚至馳驟街衢衝冒風雨深更静 應軍馬錢糧緊要事情動經旬月猶未得古事多壅滯 無狀心切憂慚竊見近日以来在京各該衙門題奏 具官臣楊廷和等謹題臣等荷國厚恩切官內閣供職 封進伏乞聖明鑒納正徳十四年正月 某 不行又道路相傅聖駕不時巡行市肆或至夷館菜園 入宫門臣等初聞且驚且疑未敢輕信已而流傳 一遊幸疏 日

金牙匹人全書

2.10 ... 1.11 育聖躬自皇上臨御以来徳化弘敷海宇寧諡是皆祖 臣楊廷和等謹題臣等仰惟聖母皇太后克配先帝能 和茂隆國本流通政務安內攘外綿宗社億萬年無疆 聖明鑒納自今以後切望尊居九重裁決庶務頤養天 美之談臣等之心尤有不勝其隱憂者謹具奏聞伏惟 之慶臣等不勝惓惓至願正徳十四年某月 既久衆議紛然今亦不敢不信光聞遠處軍民皆有不 請上尊號疏 楊文忠三年 ᅕ 某 E

特賜 宜如天順年間英宗皇帝加上皇太后孫氏尊號及成 宗列聖洪麻及聖母餘慶致然也以 母今尊號慈壽二字之上加至四字以極尊崇用彰皇 金牙正八年書 上聖孝此亦中外臣民所同致願者也如蒙聖明嘉 E 年問憲宗皇帝加上皇太后周氏尊號故事請於聖 具儀行禮頒示天下謹題請旨正德十四年三月某 允行臣等謹當議擬上請 P 巷 取自聖裁仍乞預勅 此臣等下情議謂 禮 納

等看詳議處臣等看得本內開稱寧王聽信奸人出入 等同到內閣送下御史蕭淮所奏一本傳諭聖意今臣 臣楊廷和等謹題本月十四日早該司禮監太監蕭敬 京師經年累月前後踵接不知何所營謀及江西鎮巡 王城撥置主使陵縣官府强有郡王虐害忠貞招納亡 打死平人霸占官民田土差來內官旗校人等潜住 議處江西事情疏 聖駕竟 报 驾将南巡乃上此疏将籍以 留

棒勒書前去戒諭趙府隨即獻還護衛及羣牧所朝廷 法事情我宣宗皇帝遣尉馬都尉表容都御史劉觀齊 官太監畢真都御史孫巡御史林潮不能以理規正却 次本府典寶副等官問順等所奏大略相同事關宗 、過為推善等情其機置主使之人各有指名又與前 都尉都御史各 計宜存遠慮臣等查得宣德初年趙府被人訴告不 如初合無照依前例寫書一道遣司禮監太監 員領動前去宣諭皇上保全宗室 易

多定四年至書

次定四車主書 此庶幾朝廷親親之情祖宗世守之法兩盡而不廢矣 司等官并護衛指揮千百户總旗等一一遵奉施行如 管轄其所奏占種官民田土等項亦各退出先年聽招 至意姑從寬貸令其獻還護衛并屯田仍屬江西都司 臣等未敢擅擬伏乞聖裁正徳十四年某月某日 賊首凌十 人員不許仍前在府出入仍勅江西鎮守巡撫巡按三 論鎮守官勒書疏 一時念四等及其徒黨逐一散遣一應撥置 楊太忠三録 力

內事畢隨 看得各處鎮守巡撫等項官員各有職掌備載初書此 新命職名問有因事加添責任亦必該部議奏得古 白開具印信手本送到內閣然後據其原行增 祖宗累朝舊制臣等遇凡奉古撰寫止是檢抄舊稿 太監總兵勒內司禮監屢來傳諭上意執奏如此劉祥大同馬錫俱隨駕在京因請以巡撫責任備宣府之命謀欲易之如大同會宣府鎮守太 即照舊查改未有該部無行賴敢擅用己意 府 制伏乞聖明鑒納正德十四年六月初 與大 阊 ^賀異 宣都

守处撫都御史撫安軍民禁革奸弊鎮守太監託以腹 心之寄各有一定職掌祖宗累朝勒書彼此不同皆有 臣等竊見我朝命各處鎮守總兵官統領軍馬防禦戰 論鎮守官 勃書第二疏

决定四事主書 **▼** 抄騰舊稿進呈請旨書寫不敢茍從一時新命益慮他 以臣等於宣大二處鎮巡等官動書只遵奉皇上成法 楊文忠三録

深意此固祖宗累朝之成法亦皇上世守之成法也是

撫官舊稿封進伏乞批下騰黃早令前去巡撫以安地 日聖心悔悟責怒臣等以為不能恪守舊制加以罪戾 次合特通降便宜勅書易於行事永為定規 悉知但前次巡狩地方各官隨侍偶有事件往返者數 年六月初三日進初七日奉聖古朕覽仰等奏詞具己 ·庶不悮事臣等愚昧不勝惓惓忠懇之至正徳十四 臣等死有餘愧矣以此謹將審果劫書仍照前任处 論鎮守官勅書第三號

大い口いへこう. 城池兵馬錢糧獄訟各有所司職掌責任彼此不同係 鎮守太監動內縁鎮守巡撫等官雖同有地方之責而 各官職守載在勒書先後相承遵奉惟謹未當朝改 臣等看得各處地方自累朝設立鎮守巡撫等官以來 肅陕西遼東前州各總兵巡撫官本等職任俱增入各 官傳諭聖意發下揭帖欲令臣等將延綏山西寧夏甘 守朝廷之法熟敢輕易陳請以干國憲今早該司禮監 事益朝廷既恪守祖宗之法彼領勅之臣自不得不恪 楊文忠三録 ₹

鑒納正德十四年 某月某日 干定制令 任其咎以此臣等不敢曲為阿順仰遵新命伏惟聖明 一該南京內外守備參賛等官奏報江西寧府事情兵 行遵照欽依會官議處經今三日未奉明古今日 會議江西事情疏 旦無故輕易變更他日律以祖宗之法孰 未允司禮監 為言南 Ð 來催 健伸前 稿張 命竟不敢

レバニ

こうりをとう 臣等切念江西事情干係重大前日發下兵部會奏 四年七月十三日 項事情關係重大處之尤宜慎重停當伏望皇上早賜 又該南直隸巡撫巡按官亦各奏報前來臣等看得前 宗社幸甚生靈幸甚臣等不勝懇切仰望之至正徳十 命將出師并動下各該地方官員分布防禦以彌大患 宸断俯從兵部會奏事理將臣等所擬古意即日批出 止親征疏 楊文忠三録 **=**

能無疑今又聞聖駕親征自謂罪在不赦必將借此為 聖駕欲往親征臣等聞之不勝驚懼誠恐聖駕一出京 以為處况寧府懷好稔惡已非一日特以朝廷侍之素 聞之深入為冠命令無所稟承章疏不能通達不知何 城無人居守人心未免驚疑中原盗賊所在蜂起外國 本臣等再三看詳岩如此擬义不誤事近者道路傳說 詞不量逆順聚集黨惡抗拒王師 厚兵端無自而起前聞聖駕有南巡之古其心已自不 則欲脫罪求生

多だにとん

鑒臣等一得之愚深惟宗社萬年之計照依兵部會奏 惠臣等不勝激切祈請之至正徳十四年七月十三日 機貴家此意彼若先知必將益得自為奸計伏望聖裁 今日早該司禮監官發下南京內外守備等官太監黄 則欲親親非分意外之患尤有不可測者伏望皇上俯 偉等 劫稿各改添 朕當親統六師等字樣臣等額慮兵 事理即日簡命將臣前去行事如此處置决可保無他 止親征第二號

各該動稿內俱免令臣等寫朕當親統六師六字發賜 云留守本朝永樂七年太宗皇帝自南京巡行北京命 未嘗議及臣等看得京師居守關係重大古云居守 門題奏等項事宜詳其所議止及防邊以下居守重事 本內開多官奉古議處京師居守及防邊禦怒并各衙 具官臣楊廷和等謹題該司禮監官發下兵部會奏 發行庶為停當正德十四年七月十五日 論居守疏

歌定四庫全書 一 十四年八月初五日奉聖古居守照南京內外守備事 本空虚無人居守伏望聖明留神裁處宗社幸甚正德 東殿錦衣衛俱各給與勅書一道該衙門知道 例司禮監內閣內外坐營等官府部九仰并科道等官 京宣徳元年宣宗皇帝親征漢庶人命鄭王襄王居守 皇太子留守南京次年駕還南京又命皇長孫留守北 祖宗累朝居守故事人所共知今聖駕親任京師根 止取空頭勅疏 卷一卷二録 幸

臣等查得先年寧夏寅鐇反叛朝廷命将出師之時曾 空頭劫書臣等看得兵部先次會議及覆奏侍郎王憲 本內並無開載調土兵事情此實地方利害所關未可 E 該司禮監傳諭聖意令臣等撰寫動調湖廣等處土兵 輕議臣等難以擅擬伏之聖裁正徳十四年某月 詔書告諭天下今江西宸濠背逆天道謀為不執殺 請降詔疏 某

欠已日東へう 皇上親統六師奉天征討與尋常遣将用兵事體大有 害守臣焚刘郡縣地方被其茶毒比之寡鐇其罪尤甚 臣民不勝数慶正徳十四年某月其日 寬恤事宜惟欲剔除首惡分釋脅從固結人心保護邦 本謹隨揭帖封進伏望聖明俯垂審覽即賜施行天下 濠罪大惡極覆載不容王師之出實非得已臣等所擬 不同正宜照依前日明肯頒降詔書大浩夫下使知宸 改擬詔草第二 疏 楊文忠三録 11+4

臣等看得宸濠悖逆反叛罪惡貫盈皇上赫然震怒興 舊例議擬進呈以俟宸断但恐中間或有室礙今臣等 師討罪雖己華其王爵削其屬籍但未明詔天下 月基日 行以慰人心以全事體臣等不勝幸甚正德十四年其 臣等昨日擬進詔書條款止據各衙門開送事件參以 加斟酌刑去六條另具揭帖封進伏乞聖裁早賜施 改擬詔草第三疏除去罪己之言

奏題本內住往仍舊提寫寧府字樣見者皆憤悅不平 其月 基日 實於事體未便今臣等再行與擬詔占上請定奪 Caland Links 霓恤條件俱各停止以俟大功告成之日另議施行則 人恐尚未知宸濠之罪大惡極至於如此近日各處 楊廷和等謹題為公務事照得功賞勘合并底簿自 心慰安而逆賊指日可擒矣伏乞聖裁正徳十四年 進勘合字疏 楊文忠三録 示 應

某日 具官臣楊廷和等謹題仰惟皇上御駕親任聖武布昭 日月明妙第干文止神謀宇宙清正德十四年其月 類句中二十字擬進謹題請古計開提劍雲雷動垂衣 四年十月二十七日奉聖古是欽此欽遵今檢得摩書 正徳九年置立兵部節次領出填寫用盡合無更造底 金グロテムとき 十扇勘合紙二千張送下奏擬字號等因正德十 請掣回南征軍馬疏

萬 を記事人言 一一 鎮軍馬缺少未免顧此失彼伏望皇上較念西北重地 兵前來懷安城住割但處各邊軍馬調去南征數多在 日遣輕騎千百成羣入境侵擾勢頗猖獗已調大同遊 見近日宣府奏報與和城等堡敵人下营屯闊數十里 曷勝欣慶臣等尤有私憂過計不敢不為陛下言之伏 上春謀妙等委任得人以致成功之速如此海內臣民 神威遠震旬日之內江西逆城遂已成擒餘黨解散皇 倉存有事恐難支持合無將調去南征軍馬量賜 横文忠三録

如此 大同遊擊孫鎮屬內亦是此意通乞聖裁正徳十四年 重臣前去江西會同都御史王守仁将生擒斬首逆賊 掣回本鎮照舊防守仍乞聖明審度進止或專命親信 征北伐之全功實宗社萬萬年無疆之福也兵部覆奏 名夥及逆黨家口財産等項逐一查處停當奏請定奪 八月二十九日 則陛下既有以全內安外攘之至計又有以收南 請聖駕疏

問議擬明白奏請定奪然後論功行賞詔告天下此事 詞稱賀侯宸濠囚檻至日通行各處親王議罪多官會 之所致也正宜即日班師根旅還京御朝宣捷百官致 擒餘黨悉滅此皆皇上聖武神功內外諸臣協心用命 地方守臣仰遵屠謀指授方略遂致旬月之間元惡就 臣等照得近日孽藩宸濠肆行叛逆皇上念宗社大計 不得已親統六師奉行天討先聲所至威武振楊是以 具官臣楊廷和等謹題為恭請聖駕還京以安人心事 ていり ラインニ 楊文忠三録

運籍運商買不通物價蹲貴官府政務俱發居民室家 州縣正官多被逮擊驛逓衙門半已逃亡河道阻塞糧 萬乘之尊四方觀聽所繫而可輕自貶損忽略一至此 險野宿有震驚之虞古人云千金之子坐不垂堂况以 體重大難以遲緩陛下不可不函為之處也臣等尤慮 聖駕在外巡遊未已陸路有跋涉之戴舟行有風波之 之需盡其地之所產馬匹名及種縣船夫役至孤婺 旅經過日費不對糧的之給竭於民之所供物

金グに人生言

內盗城蜂起而邊兵缺少未見掣回天下官員朝朝在 異進見京師乃宗廟社稷之所在而近日地震不寧江 (1.10 p 151 / hallo ... | 187 ... 通皆不知何以處之又况宮城之內居守無人諸司軍 來所無之事豈不大為聖明之累哉况今各處地方災 不保至於回民近在肘腋番僧召今隨行凡若此皆自 大如盤既陝西大風至於校木其餘水旱重蝗火 乃國家財赋之所出而連年大水為惠他如宣府永 而足召異致變必有其由又令此方摊衆在邊無 楊文忠三録

實宗社萬萬年無疆之大慶也臣等愛君憂國倦樣誠 聖母皇太后之念外以安宗室之心下以遂臣民之願 逆以雪神人之情庶幾上以妥九廟在天之靈內以慰 悃言與淚俱不覺至此無任激切瞻懸待罪俟命之至 奏久不得出卒有事變可為寒心此實臣等之所為 金少正左全電 正徳十四年十月初三日 下恤民窮不感於浮言不牽於逸欲早賜凱旋明正大 可憂懼者也伏望皇上洞悟聖心深惟至計上畏天變

次定四車全書 災異荐緣上天示戒甚可畏也即今聖駕南征逆賊既 於每年正月擇日行禮前期一月聖駕躬話犧牲所看 五年大祀天地正徳十四年十二月初一日該聖駕看 具官臣楊廷和等謹題該太常寺題一本內開正徳十 祀 姓然後文武大臣輪看百五十餘年莫之有改今春郊 姓臣等竊惟郊祀天地實朝廷第一大事祖宗以來皆 乃速移於二月輕變舊章奉心未個議者至今惜之 請大祀疏 楊文忠三録

正宜即時奏捷獻俘大行賞齊以快人心實中外臣民 旬月之間逆賊遂已就擒我皇上神謀廟略致此成功 具官臣楊廷和等謹題臣等仰惟聖駕南征天威遠布 聖納正德十四年十月初十日 看牲等項大禮務遵舊典以次舉行不少廢忽無幾人 心慰悅天意昭孚宗社靈長之福端有賴矣伏七聖明 擒俘馘将至伏望早賜旋蹕大告武功之成至於郊祀 請聖駕回京

員述職人 年十二月初一日聖駕看姓歲養并孟春等月祭享太 國四裔人員亦各進貢方物赴京朝見及天下諸司官 誠其冬至正旦等節在朝文武百官禮當致詞稱質外 仲冬須思明春殿試等項俱係國家重事皇上御殿然 廟等項大禮俱宜皇上躬親奠獻庶有以致其對越之 之至望也臣等尤念明年正月南郊大祀天地預於今 册封每歲朝廷傳制造官行禮今年尚未舉行至如 入親皆欲瞻拜天顏以遂其朝宗之願各處王 15/公三录

具官臣楊廷和等謹題臣等照得大祀南郊乃人君敬 今聖駕南征罪人既得實天佑我國家所以戡定禍亂 不知所處伏乞聖明留意宗社幸甚天下幸甚正德十 如此之速正宜奏凱班師舉行大禮告成於天以致 四年十月二十二日 後行之不可廢者即今各項日期漸近臣等日夜憂思 一事皇上所以仰承春命茂膺景福者端在於此 請聖駕第二疏

多定四年全

誤事非細所據前項禮典政務委的事體關係重大 邊兵糧問擬罪犯等事動經數月未奉明古人心疑惑 內外衙門具題事務已經累次齎奏日久未見發出應 官員赴京朝覲該吏部會官考察各衙門堂上并科道 該皇上躬親行禮非臣下所敢攝行者又今天下諸司 行事情率多猜滞中間如推用巡撫等項官員處置各 官大班糾劾必須皇上親臨關座面賜裁决近日以來

薦之誠明年春孝貞太皇太后大祥祈廟奉安神主俱

郊祀日期令擇於二月十二日行禮又孝貞太皇太后 具官臣楊廷和等謹題近日傳奉聖古令欽天監另擇 一致定正庫全書 一 乞鑾與早迎舉行大禮并將隨在官軍人等論功行賞 係皇上躬親舉行今日期漸近內外人心不勝懸望伏 大祥神主祔廟亦該在二月初十日行禮緣前大禮俱 慶幸正徳十四年十二月十三日 可輕忽伏望聖明留神省覽俯賜采約中外臣民不勝 請聖偶第三疏

告於郊廟仍躬大祀之禮其考察天下朝親官員并殺 今各該罪人既以次擒獲侍解到之日隨即班師回京 司禮監太監蕭敬等傳奉聖古朕親統六師正名討賊 具官臣楊廷和等謹題正德十五年二月二十 以慰人心臣等幸甚天下幸甚正德十五年正月二 二 日 レスレフシン 傳驢等項及孝貞純皇后大祥告科一 請聖駕第四疏 楊文忠三録 應禮節亦俱 一日該

冬十二月初一 改卜三月欽天監選擇日期已經三次矣看牲官員自 祀之禮我祖宗以來皆於正月行之今歲改十二月又 散慶兹者行俟日久不聞於蹕之音臣等下懷未免轉 多安正原全言 **生疑慮豈有聖明在上而肯失大信於天下手切惟大** 仰窥皇上慎重大禮慰念臣下之至意大 小臣工無任 辦事該衙門知道欽此臣等伏聽明古拜稽之餘因以 於三月內次第舉行爾內外文武大小官員宜各安心 日為始至今百十餘日輪流未己時既

川アハこうりの たかラー 該官員俱係司府州縣掌印正官離任既久政務悉廢 **觐官員本以朝正為名今到京數月尚未得一覩天顏** 時科廟祀享雖欲擇吉亦當不出數日之內今乃将 吏部雖己會官考察上請點防未奉定奪難擅放回各 禪期而改卜至再揆之禮制似有未宜又天下諸司入 屢更嫌於褻玩况春丁社稷之事 俱未舉行神人之間 两有未安者孝貞純皇后大祥在二月初十日禮宜即 有署印官員豈能一一幹理乎至於禮部會試中 佛文忠三録 平四

也况今沿河一帶連歲災傷餓莩盈野六師屯駐供億 ·青若陛下聞而不行行而不决亦恐無以自白於天下 未蒙允納若知而不言言而不達則臣等固不能辭其 行人心遑遑莫知所措以上事情臣等累自具本奏請 題奏不下五六百本中問多係緊急重務俱未發出施 者自去秋聖駕南行至今八月有餘在京在外各衙門 皇祖舊規此尤國家登庸賢俊之重事亦不可以太緩 ,例該三月十五日皇上御殿策試讀卷傳臚具有

致事務久籍致生他虞如此則陛下外攘之功既著內 繁勞民窮財盡意外之變尤切隱憂考之宣德二年宣 この日日 ロストルロー 安之政亦修神人胥悦民物咸康而宗社萬萬年靈長 禮典以次舉行仍先將各衙門題奏文書照常發出好 務懷遠圖用全大信亟命班師回京悉照前古將各項 子神孫之所當體念也伏願皇上仰承祖德俯順人心 京計其往迎不出一月之間輯寧邦家貽謀弘遠誠聖 廟親征漢庶人於八月初十日出師至九月初六日還 楊文忠三録 幸

殺遠者發極邊衛分永遠充軍遠近流傳旬日之間各 巡等官欽奉聖古禁約地方人等不許養承及另賣字 金万に屋人丁に 減價賤售甚至將小承掘地埋棄者有之人心惶駭莫 處城市鄉村居民畏避重罪隨將所養之承盡行殺賣 具官臣楊廷和等謹題近日傳聞直隸及山東等處鎮 五年三月十三日 福端在是矣臣等大馬微誠不勝樣機之至正德十 請免禁殺猪疏

LICE TO HOL VISION ... 養生之具而非所以致疾也人生瘡痍乃血氣內傷 **時五十者可以食內矣 古先哲王之治天下所以制民** 在於此不可一日缺者孟子曰雞豚狗異之畜無失其 測 此為生理之資正宜教之孳息蕃育是可禁乎至於 之産其道如此且人年五十非肉不飽則豚異之畜正 宴饗膳羞之供應下而百官萬姓日用飲食之資給皆 濕外感所致是食豕肉而致然乎况小民畜養貿易以 其由臣等切思民間参養姓及上而郊廟朝廷祭祀 楊文忠三録 -+ +

此傳之天下後世亦非細故誠不可不慮也伏望皇上 禁不可縱也此事行之雖若甚微而事體關係其大如 畜獨多牛以代耕亦非可常用之物私自宰殺律有明 并諱其物之同者其可乎又况民問日用姓豕此之他 字之間雖當諱者尚且不諱嫌名令乃因其字之音而 二支生辰所屬物畜乃府家推算星命之說鄙俚不經 不可為據若曰國姓字音相同古者嫌名不諱益以文 察物情詳審命令函勒所司追寢前古仍通行院諭

一致之五事全書! 楊文忠三禄 為之喜慰今聞俘緊南都亦已數月陛下以萬乘之尊 震元惡就擒尋奉明古待解到之日隨即班師人心皆 社事通者宸濠叛逆皇上親統六師往正其罪天威遠 具官臣楊廷和等謹題為懇請班師以慰人心以安宗 五年二月初九日 心慰悦矣臣等偶有見聞不敢緘黙伏乞聖裁正德十 各處地方人等各安生業母致點疑則事體不乖而人 請班師疏 1

祖宗一 為之省念乎況軍旅屯駐供億既繁而倉庫在在空虚 親行册封宗藩久未傳制會試舉人久未廷試凡此皆 **孙殿庭之朝奏久虚宮闇之問視久曠時享太廟久未** 又未免轉而為憂懼兵伏惟陛下之出己踰一年於兹 六軍之衆暴露於外尚未定有還期則人心之喜慰者 守者陛下為天地神人之主豈可一切恝然於懷而 郊大禮看姓已久而未祀孝貞皇后大祥已久而未 一定不易之規朝廷至重極大之典萬世所當遵

入之計難保必無今日之事豈不大可憂哉豈不大可 欽定四軍全書——楊大忠三縣 政務廢弛其勢必至於此也然此持在聖心一轉移之 懼哉此無他益以聖駕出京既遠歷時既久居守無人 亡轉徙之虞又近日以來京畿及山東河南等處盜賊 既久豈無父母妻子之念地方人民貧困已極常有死 敵人近邊釣營長閱三四十里時遣輕騎擾我整保深 竊發百十成羣隨撲隨生不能禁止宣府鎮巡官節報 夫船候送聚集既多而州縣日日勞擾從征將士行役

犯天告廟論功行賞等事連照典禮以次舉行庶幾神 逸遊務存就業亟降明旨振放班師還京之日將前項 師之日伏望皇上思天位之重大念王業之艱難深成 問耳况今罪人既得理當奏凱之時天氣漸凉正可班 人交慰中外均戳宗社萬萬年無疆之福端在是矣臣 侍罪輔臣不勝忠懇迎切膽戀獨望之至正德十五 ハ月ニナロ 請班師第二疏

之日必將次第舉行不待言矣但今各衙門題奏文書 不日奏凱還朝內外大小臣工聞之不勝散慶所有郊 具官臣楊廷和等謹題近日傳說皇上班師已離南都 220 1 ha 出以致各衙門本內往往皆稱未奉明古委的前後 有多半未魯發回自二月以後至今一應文書俱未發 奏自去年八月以後至今年正二月文書雖經奏過尚)該臣等擬票封進各該管文書官即次前往軍門齎 '孙廟朝賀殿武并獻俘賞功各項典禮俟聖駕到京 楊文忠三録 芜

寧夏遼東總兵官皆係邊方重地鎮巡重任日久扶人 等處处撫都御史并各處布按二司方面官兵部推用 情不相照應難以遵行况中問多係重大緊急事情不 年重囚例該秋後處决今日期將近難以處行甘肅地 辦事又法司問完提解人犯監禁月久未見發落及各 方先年起送進貢外國差官查理明白又令留住在關 可遲惧者且如吏部推用南京操江并即陽貴州延緩 及近日佛郎機并満刺加占城等國進來番文事干地

糧運阻塞商買不通將來之患尤有可爱伏望聖明俯 審與情深惟至計早旋法駕不必入停仍令通查前後 方俱未見有處置人情反覆不可不慮各處奏報災異 許達畫忠死節天下之人皆痛憤之今已一年之後尚 困苦見今功罪未論刑賞太遅至如都御史孫燈副使 安其江西地方逆賊雖已就擒而茶毒之餘軍民十分 頻仍盜城生發徵免錢糧賬恤貧困事多精滯人心不 顯加褒恤何以激勸人心又况天氣漸寒河道將凍

たらりることの

楊文忠三録

具官臣楊廷和等謹題伏聞聖駕凱旋已至通州臣等 聖裁正德十五年九月十五日 幾政務不廢人心稍安臣等職業所關不敢緘黙 伏七 齊奏文書先行奏請回京發與各該衙門遵守施行 庶 不勝歌慶旬日以來朝夕懸望鑾與之至今歲事將養 祀大禮尚未舉行况明年祀期又近我祖宗舊制 郊禮不可缺伏望聖明留意亟命欽天監将令 擇日郊 祀 疏 ギー

昨日該司禮監官傳諭聖意飲令臣等擬旨命多官議 行祭告天地宗廟社稷詔告天下仍寫書與各處王府 上為宗社生靈之故親統六師往正宸濠反逆之罪先 處反賊宸濠并從逆拱滌等十四名罪犯臣等仰惟皇 聖駕到京祭告獻停等項禮典即日預先發下以憑遵 郊祀日期先行選擇奏聞仍乞將近日禮部會官議奏 奉施行通乞聖裁正徳十五年十一月初四日 議處反城疏

次定四東全書-

楊文忠三録

聖武神威伐叛安民之偉續皆泯然無聞於世矣臣等 遽欲議處宸濠等罪惡則出師為有名班師為無名使 尺京師未先祭告天地廟社以復天地祖宗之命又未 已私也今罪人既得地方以寧班師北還駐蹕通州 然後出師是皇上奉天地祖宗之命躬行天討而非為 受恩深厚切列扈從此而不言其為貧國熟大於是所 有前項古意臣等不敢操擬伏乞聖明鑒納正德十 諭天下及個書與各處王府以慰遠近親疎之心乃

議擬大罪必於内關即古廟議之意處决重囚必於市 得速宜明正典刑以雪神人之憤但我朝祖宗以來凡 日恭請行在伺候朝見伏聞聖意欲命多官會議逆城 具官臣楊廷和等謹題臣等欽遵勅古於本月二十五 反叛覆載不容令幸皇上親統六師布昭聖武罪人既 宸濠等罪状臣等切惟宸濠悖逆天常滅絕人紀肆行 月基日 議處反城第二疏

歌定四車全書-- 機大忠三年

規百五十餘年莫之敢變況前項送城聖駕親征之時 賊平班師通行祭告侯郊祀禮畢仍照近日提督賛畫 祭告以答庇護之靈 肌乎合無請聖駕到京之日先將 已當告於天地宗廟社稷今日奏凱還京豈可不復行 将各該逆黨應處置者即為處置會問者通行會問議 機容軍務御用監太監張永題奉欽依事理獻俘之後 明白奏請聖斷然後論功行賞詔告天下如此則大 即古刑人於市與衆棄之之意此乃一定不易之成

內之功兼備而無遺矣臣等身為大臣叨受厚恩知而 况二處地方切臨邊境軍民疲困關係匪輕合無仍照舊 有定規令若分外添設非惟事體紛更抑且官多民擾 臣等照得各處分守等項官員應否設置累朝以來自 徳十五年十一月二十六日 不言死有餘罪干冒天威無任殞越之至謹題請旨正 禮既舉大法以彰國是不搖人心胥定我皇上攘外安 請免設臘州京州分守官疏

大足四朝人

楊文忠三録

月二十八日及元旦令即两次視朝大馬之情無任於 其官臣楊廷和等謹題為問安事臣等伏晴皇上於前 職居輔導地位最親任遇既殊於外廷恩義實同於公 伏乞聖裁正徳十五年十二月初三日 請差用庶幾事體不乖地方安靖臣等仍將原票卦進 慶近該禮部即奉聖旨朕體雖己稍平尚須調理臣等 規不必差官分守其晁進楊保候有他處相應員缺奏 安疏

九丁四東 八三日 等幸甚正德十六年正月初十日 重起居早遂康復以曆萬萬年隆長之福天下幸甚臣 萬全之效伏望皇上大寬聖處勉進樂餌調節食飲慎 不可輕然治病猶易而調理最難必加千倍之功乃收 進藥之時竊惟用醫則宜專而不可雜議藥則宜審而 '倍增爱恐但聞昔人有言未病謹疾既病服藥令當) 顧起居之節不得與聞食飲之詳無從候問晝夜思 選 醫疏 199 楊文忠三録 四十四

臣等擬古命該部博訪精通醫藥之人臣等竊惟天下 則醫藥亦無速效伏願皇上慎重啓處勿使勞逸之失 名醫皆聚於太醫院又選其尤者入御藥房但當專任 大馬微誠殊切瞻戀昨日該司禮監官傳諭聖意飲令 具官臣楊廷和等謹題伏惟聖體違和己踰半月臣等 宜 信用之自收萬全之效又何待求諸草澤未武之 况治疾之術調攝為上醫藥次之岩調攝少有不節 飲膳勿使滋味之太過但凡一應玩好有可以

十六日 次定四重全書 臣民之主自今以往尤宜倍加調攝凝神静處随養天 臣等大小臣僚不勝惟慶仰惟皇上一身為天地宗社 具官臣楊廷和等謹題近日以來人聞聖體漸復康寧 臣民之望臣等不勝倦惨忠怨之至正徳十六年正月 惑亂聰明傷損元氣者皆不使少干聖慮自然百體豫 康萬福縣緣上可以慰九廟在天之靈下可以慰天下 請免獻俘疏 楊文忠三録

和凡一 罪犯又已有古法司會問所據獻俘揆之事體似亦 與尋常命將報捷不同况首逆震豪既已處置而各起 過勢前項禮儀該部題有獻俘奏捷一節益聖駕親征 有殿武册封等事亦該相繼而行但今聖躬初愈不宜 傳云國之大事在犯與我藏不可以太緩者况此後又 不為斯可以收勿藥之全功也臣等尤念郊祀慶成獻 碩記賞功等項禮典皆以另擇日期尚未奉有明古 切遊說動心勞形之事悉置之而不問止之而 次完四軍全書 -臣等看得都察院本內妖言謀反首賊段銀家屬連坐 悦豫萬萬年無疆之壽端有繫於此矣臣等慘倦愚忠 免臣等再照各該衙門題奏文書自前年秋後至今多 於法相應其潘依道孫爵本內明開無運謀顯跡欲量 伏乞聖明留意正德十六年正月二十五日 查出早賜施行如此則陛下攘外安內功德隆盛神人 有未曾發出者應行事務未免務滞乞勒司禮監逐 請免妖言人犯連坐疏 楊文忠三録

情罪凡之段銀等尤有不同今飲将家口俱送院衣局 似乎太重臣等各加斟酌擬票封進通七聖裁正德十 分等并徐通等本內原無開有家屬連坐之文况各犯 滿堂等與送院衣局其餘免坐及大理寺二本犯人王 從末減合無俱免連坐惟復止將伊妻王氏孔氏同王 八年正月三十日 該都御史蕭翀等奏報兩廣捷音臣等於兵部覆議 請免兩廣奏捷陸賞疏

恩不無太濫臣等别難再擬謹仍以原票進呈伏之聖 其捷音本到又俱在一 各賞銀兩表裏况廣東城級三千有零雖是蕭翀等督 蕭那等恩典已為過重所以於廣東本內止擬蕭翀等 處都御史等官平賊有功俱無廢子世襲軍職事例其 廣西本內斟酌擬票已將王堂朱麒各加禄米蕭翀 委得人所致然此時蕭翀等身在廣西功次亦自不 俸還各廕子在一人世襲百户查得正徳元年以前各 月之間相去不過數日若又 ら文 心三張 呈 力口 同

一百進呈御覽通遇聖體達和未蒙發出施行作聞欽天 監擇日欲在郊祀之後然此與郊祀事體自不相關未 郊之前亦可舉行况今各處地方水旱相仍災無送見 凱旋之日禮宜即時獨詔天下一以告大功之成一 具官臣楊廷和等謹題仰惟皇上親統六師征討叛逆 明俯賜采納庶於事體為當正徳十六年正月三十日 布大齊之恩今聖駕還京兩月餘矣臣等已當與擬詔 請以江西城平詔告天下疏

多京匹库全書

早為拯救痛加寬恤則将來事勢誠有大可憂者即令 歲用錢糧小民拖欠數多各邊軍士月糧經年無支該 贼百十成羣白晝公行搶掠居民被害商旅不通岩非 官而帑截已空間間之間愁苦萬狀幾寒所逼嘯聚為 鎮奏討殆無虚日欲徵之於民而胎膏已竭欲取之於 情之不容以暫已者喜聞聖躬數日以來漸復康泰伏 非者在在有之其畿內州縣及山東河南陝西等處盗 CALIFORNIA CALIFO 遠近人心朝夕懸望德音之降真如大旱之望雲霓其 力丈忠三録 早

西反叛事情先後具題節奉飲依將宸濠并拱滌等妃 具官臣楊廷和等謹題先該太監張永直盤踏勘過江 望仍乞將隨征內外有功人員連行陸當則德澤旁施 金一口人 人一一 包聖裁正德十六年二月二 十六日 妄趙氏等及蕭山等郡縣君及宸潜等多燦等俱著暫 和氣充治人心悦懌而天意可格矣臣等愚見如此伏 領留神省寬將前項詔書早賜須降以慰四海臣民之 請安置犯人家屬於高墙疏

大足四軍主書 具官臣楊廷和等謹題令早司禮監太監魏彬等同御 關合無不待各項事畢俱照原古先差的當人員送鳳 男婦數多通州地方編小近又盜賊生發不惟供給不 陽高墻內安置如此則事體順而人心悦矣臣等不勝 敷抑且防守不易况其事情與郊祀慶功等項自不相 在通州空間公館處所住歇欽此臣等看得前項人犯 惨惨仰望之至正德十六年二月二十 三日 請慎重調理疏 楊文忠三録 i 华九

下之望臣等不勝幸甚正徳十六年三月初四日 飲膳慎重藥餌益加調理上以慰聖母之心下以答天 口聖駕暫出往來內監在外臣民皆知聖體漸安莫不 舉手稱慶以為宗社萬萬年無疆之福代望皇上勉進 聖體即日便當平復然後舉行大禮亦未為晚且聞近 有未安臣等聞之以為只此一念上通於天天心感格 用監太監張銳傳諭聖意郊祀大禮尚未舉行聖心深 楊文忠三錄卷一